



KIÑEKE AZ ZUGU KIMERPUAEL RUKA MEW



Chem zugu kintukulu feyta chi “kuarentena” mew,
goymalayafi rumel mogen mew (F. Tonucci ñi pin)

Kelluntukuael ta reñma fillke zugu mew

Pu püchikeche ta kintukukeygün fillke zugu, kom antü ka fillke antü mew, azkintukueygün, günezuamkeygün ka inakintukueygün ñi chumeken ñi pu reñma.

Ñi kellugeam tufachi kimeltuwün mew, müley ñi kimgeael, chem zoy ayikey ñi zewmayael, ka ñi kimael fillke wellin müleyelu ruka mew, ka femgechi fill küzaw, ka fill zugu txipayel ta fill antü.

Müte pepilfalhay, Müley ñi nochikechi kelluniegeael ka rumel rakizuamael, chem zugu kintukuey ta pu püchikeche fill rupalechi antü ruka mew: ¿Chem kintukuafuy petu leputuyem ta inchiñ? ¿petu witxukoyem ta inchiñ?

Zoy püchi kimael:

1.Pü püchikeche ta fillke kimün kintukueygün: lepün mew aukantuyem: kintukueygün fillke nhemül, miawüyem fillpüle, ka amulkey ñi kimün ñi kalül mew.

2. Pu püchikeche kintukuey fillke kimün, eluñmageyem fillke zugu: allkütuyem, azkintuyem, nümünümütuyem, kochikochituyem. ¡zoy tukule ñi sentidos egün zoy kimaygün!

3.¿Tufachi antü mew zoy küme antü ñi kintukuael! Pu püchikeche kimkeygün ñi yamcheael, ñi kelluntukuael, ñi weñenoael, ñi liftuael, ka ñi zapiael ñi wallontu; kintukueygün tufachi zugu, inakintuyem ñi reñma mew. Tufachi “kintukun zugu mogen mew”, kintukuey “ka che zewmayem”, fill antü kintukueygün inakintun mew.

4.Pu püchikeche kimigün zugun petu ñi kimzugunon! Fey kimzuguay, eyimi zuguniefilmi, feypiniekiáfimi chem zugu tamu zewmayael: ¡gillakameayu, tukuge tami zapatillas! Üyтуñmayafimi ñi chem petu zewman ¿elkünuafuyimi tufachi toalla pu mueble? ¿elkünuafuyimi tufachi vaso wente mesa?, ka we nemhül zuguniekeafi: zoy zugufilmi, zoy kintukuay.

5.Müley tami fill antü, zewmayael feytichi küzaw tami pu püchikeche egün, fey mew ñochikechi kimaygün chem ñi kizu zewmyael egün.

¡kom antü zoy kümey ñi keltugeael ta pu püchikeche!

- **Txipayem antü ka konüyem antü:**

Kümelkaleyem ta reñma, fey txipakey ta poyen zugu; nütxamkawün, pankowün, zuamuwün: ñi kimael chem zugu entuel antü mew, ka fey tukupayael ñi chem zewman antü mew, ñi chem zoy ayiel antü mew, ka chem ñi ayinoel, chumgechi ñi rupal antü mew, ka fillke zugu.



- **Kimtukuel chumgechi ñi liftuel egün:**

Tüfa mew müley ñi kimtukuel chumgechi ñi liftuel ñi kalül egün, ñi küchakuel, küchaforroael, lapümael ñi logko. Pu reñma müley feypineafiel ka ñi femael, fey mew ta pu püchikeche kimtukuaygün.

Müley tami feypineafiel: ¡kullumtuayu ka küchakuayu, fey wüla ta tukuaymi tami tukuluwün!. Müley tami feypiafiel, zullige tami tukuluwün, ka kizu mozawaymi, ka küme az elkunuaymi tami tukuluwün

- **Ñi yafütuam**

Tüfa mew müley ñi feypineageael ta pu püchikeche ñi küme yafütuel. Fey mew kimtukuyegün fillke zugu kiñewün ñi reñma mew: ñi allkütuel, fey wüla zuguel, ñi püneafiel fillke cubiertos, ñi küme chagafael ta iyael: Ka femgechi nochikechi fillke iyael ikeygün: Fey mew ta pu püchikeche rume ayiwkülen rupakigün, ñi pu che kümelkaleyem, küme az zugugeyem, ramtugeyem ¿lyafuyimi brócoli? Ti brócoli karrügey, kiñe püchi anümka kechiley ¡rume kochazi!.

- **Fillke aukantun ka ayiwün zugu:**

Tüfa rume kümey pu püchikeche ñi mogen mew, ayiwkülen rupakeygün, koneltukeygün fillke zugu mew, zewmakeygün fillke zugu, entukeygün ñi az felen, kimkeygün ñi kalül ka fillke zugu.

Müley tami aukantuel ka müley tami pu püchikeche egün, müley tami nütxamkayafiel, tami fepiafiel chem müley ñi eluñmageael ka chem ñi eluñmagenoael, ka chumgechi müley ñi kizu zapituel ka chumgechi ñi zapituel ñi wallontu.

- **Momentos para implementar actividades educativas en el hogar:**

Tunte antü mew müley tami aukantuel ruka mew: Tüfachi zugu, chillkatuwe mew feypigeay chem zugu müley ñi entuel ta pu püchikeche ñi reñma egün. Müley ñi kimtukuel fillke zugu chumgechi ñi llownien ta gülam ka femgechi müley ñi aukantuel.

Tunte antü ñi entuel fillke zugu pu püchikeche egün kizuke reñma ta kimniey ñi chumgechi rupaken ta fillke antü. Müley ñi küme günezuamgeael, chem zugu ñi zuaminen ka chem zugu ñi küpa wenuntuel, ta pu püchikeche. Femgechi müley ñi eluñmageael ñi entuel fillke zugu, ñi kimtukual fillke zugu, ka femgechi müley ñi kizu pepiluwael.



Ka femgechi guyilayaymi, welulkale ta pu püchikeche, fey mew ta kimtukukeygün fillke kimün, fey mew kelluniekeafimi, chemu am ta welulkay, ñi kümelkatual ti zugu.